

Asargeb n Yeccu Lmasiḥ i Yuḥanna

Tamezwarut

1 ¹Asargab n Yeccu Lmasiḥ i d as iwca Arebbi, ḥima ad isscen i isemyan nnes min i ya imsaren deyya uca issargeb it am t issekk x ufus n lmalak nnes i ismey nnes Yuḥanna. ²Wanita iched marra min iżra zeg wawař n Arebbi uřa zi chadet n Yeccu Lmasiḥ, ³Sseed n wenni iqqaren d yinni ittesřan awařen n ukacaf-a uca ad tťfen di min dayes itwarin. Aqqa řweqt tiweđ-d.

Aseġem s yisem n wenni iġan d wenni tuya d wenni i d ya yasen

⁴Yuḥanna, i sebea n tmesmunin di Asiya: nniemet akidwem d řehna zeg wenni iġan d wenni tuya d wenni i d ya yasen uřa zi sebea n arruḥat inni iġan zzat i řearc nnes, ⁵u zi Yeccu Lmasiḥ, acehhad ařdiq, amenzu zeg imettinen d ameqqran n ijeġiden n tmurt, wenni i d aney ixsen uca i d aney ifekken zi ddnub nney s idammen nnes. ⁶Aqqa yarr aney d ijeġiden d ikehhanen řar Arebbi Babas, i netta ad řares yiři ueuġi d řřulřa i řebda qaē. Amin! ⁷Xzar, netta ad d yas ak-d iseynuten, kuř tiťť ad t țzar, uřa řa d inni i t issnuqqben. Marra tiqebbař n ddunnit ad xas wtent ayejdur. Wah, amin! ⁸Necc d Alfa d Umega iqqar Sidi Arebbi d wenni iġan d wenni tuya d wenni i d ya yasen d Amzemmar x marra min iġan.

Beddu n řewḥiy n Arebbi i Yuḥanna: tamezra n Lmasiḥ

⁹Necc d Yuḥanna, umatwem d umeacar nwem di řeḥřart d tgeldit d řřbar n Yeccu, tuya-yi di tegzirt qqaren as Batmus di tťweē n wawař n Arebbi d chadet n Yeccu. ¹⁰Iwđa-d xafi Arruḥ deg wass n Arebbi uca sřiy awarni ayi ict n tmijja tejhed amecnaw řbuq, ¹¹teqqar “Necc d Alfa d Umega d Amezwaru d Aneggaru. Min tettwařid, ari t deg ij n wedlis, ssekk it-id i sebea n tmesmunin tinni iġan di Asiya, řar Afasus, řar Smirna, řar Birgamun, řar Tiyatira, řar Sardis, řar Filadelfiya uca řar Layudikiya.” ¹²Xenni nqeřbey ḥima ad řarey wenni i řari-d issawařen. Ařami nqeřbey, zřiy sebea n řeqnadeř n wurey ¹³uca di řwest n řeqnadeř ijjen amecnaw Mmis n bnađem, tuya yarđ ca n warruđ ittakkwađ as ař iđaren, řares ij n webyas n wurey x idmaren

¹⁴uca azeğif d ucuwraf nnes tuya-ten d icemřařen am tađuft tacemřač am wedfeř uca titřawin nnes am iřhudaq n tmesi, ¹⁵iđaren nnes am nnhas yareqqen axmi t zewyen deg ufarran uca tmijja nnes am řřess n wařtas n waman. ¹⁶Tuya řares deg ufuš nnes afusi sebea n itran uca zeg uqemmum nnes itteffey-d zzayes ssif iqdeš s tnayen n wudmawen uca ařembub nnes ittceđiđih amecnaw tfuct s jjehd nnes. ¹⁷Ařami t zriy, wđiy as řar iđaren nnes axmi mmutey uca netta issars xafi afuš nnes afusi, inna ayi “War tteggwed! Aqqa necc d Amezwaru d Aneggaru. ¹⁸Necc d wenni iddaren! Necc tuya mmutey, u xřar, aqqa necc d wenni iddaren i řebda qae, amin! Aqqa řari tisarutin n řaxart d řmewt. ¹⁹Ari min teřrid d min iğan d min i řa imsaren awarni man aya. ²⁰Aqqa da ssirr n sebea n itran i teřrid deg ufuš inu afusi d sebea n řeqnadeř n wurey: sebea n itran aqqa-ten d lmalakat n sebea n tmesmunin uca sebea n řeqnadeř i teřrid aqqa-tent d sebea n tmesmunin.”

I tmesmunt di Afasus

2 ¹“Ari i lmalak n tmesmunt di Afasus ‘Ammu iqqar wenni řar iğa sebea n itran deg ufuš nnes afusi, wenni igguren di řwest n sebea n řeqnadeř n wurey: ²Necc ssney řexdayem nnek d tamara nnek d řřbar nnek, belli war tzemmarad ad řemřed inni ieffnen uca tqeğbed inni itteggen ixef nsen d imazanen, maca war řin ca uca tufid ten d ayt n bu-ixarriqen. ³Cek řsebbared uca teksid armeř x s sibbet n isem inu u war tuřiređ ca. ⁴Maca řari xak ca, belli tejjid tayri nnek tamezwarut. ⁵Eqeř manis-d tewđid uca tub, xenni egg řexdayem nnek timezwura! Mařa war iği amenni, ad řarek-d aseř deřya, ad ksiy řqendiř nnek zeg wemcan nnes, mařa war tubid ca. ⁶Maca man aya tiwđed, aqqa tcarrhed řexdayem n ayt n Inikulayiten, tinni carrhey necc eawed. ⁷Wenni řar iğa imezzuřen ad iseř min iqqar Arruř i tmesmunin. Wenni i řa iyellben ad t ssecey zi tcejart n tudart i iğan di řwest n jjennet n Arebbi.’ ”

I tmesmunt di Smirna

⁸“Ari i lmalak n tmesmunt di Smirna ‘Ammu iqqar wenni d Amezwaru d Aneggaru, wenni immuten uca idweř-d iddar eawed: ⁹Aqqa-yi ssney řexdayem nnek d řeřřart d weřrađ nnek, qae amenni cek tetejjared, u aqqa-yi ssney mammec daywem tteceqqafen inni

ittarran ixef nsen d Udayen, maca nitni war ġin ca d Udayen, maca d asinagug n Cçiṭan. ¹⁰War tteggwed ca zi min i ya twaæddbed. Aqqa ibriṣ ad inḍar ca zwaywem di řehbes, ħima ad twajarrbem. Ad ħarwem tiři řehṣart n εecra n wussan. Iřim d iřdiqen ař řmewt, řexdenni ad ac wcey tamrist n tudart. ¹¹Wenni ħar iġa imezzuyen ad iseř min iqqar Arruħ i tmesmunin! Wenni i ħa iħellben war d as-d tettiwi ca txessart zi řmewt wiss tnayen.’ ”

I tmesmunt di Birgamun

¹²“Ari i lmalak n tmesmunt di Birgamun ‘Ammu iqqar wenni ħares ssif iqḍeε x tnayen n wudmawen: ¹³Necc ssney mani tzeddyed, diħa ħar mani ittbedda řεarc n Cçiṭan. Aqqa teṭṭfed deg isem inu uca war tenkared ca liman dayi uřa deg wussan umi tuħa Antibas, aceħħad ařdiq inu, itwaney ħarwem ħar mani izeddey ibriṣ. ¹⁴Maca ħari xak ca, aqqa ħarek dinni inni itteṭṭfen deg useřmed n Balεam, wenni tuħa isseřmeden i Balak mammec i ħa inḍar ict n tēenkriřt i ayt n Israyil ħima ad ccen zi min ħarřen i lařnam uca ad qeħħben. ¹⁵Ĥarek din εawed inni itteṭṭfen di tyuri n Inikulayiten, min carrħey. ¹⁶X uyenni tub! Mařa war iġi amenni, ad ħarwem-d asey deyħa, ad kisen menyey s ssif n uqemmum inu. ¹⁷Wenni ħar iġa imezzuyen ad iseř min iqqar Arruħ i tmesmunin. Wenni i ħa iħellben ad as ssecey s ‘manna’ innufaren uca ad as wcey ij n weħru d acemřař, itwari xas isem n jdid, war t issin ħed myir wenni t iqebbřen.’ ”

I tmesmunt di Tiyatira

¹⁸“Ari i lmalak n tmesmunt di Tiyatira ‘Ammu iqqar Mmis n Arebbi wenni ħar iġa tiṭṭawin am iħudaq n tmessi d iḍaren nnes am nnħas yareqqen: ¹⁹Necc ssney řexdayem nnek uřa d tayri d tsexxart d liman d řřbar nnek, aqqa řexdayem nnek tineggura imyaren x tmezwura. ²⁰Maca ħari xak ca, aqqa tejjid tameṭṭut Izabil i iqqaren belli nettat d tamkacařt, tesseřmad uca tessyekkwa isemyan inu ħima ad qeħħben uca ad ccen min itwaħarřen i lařnam. ²¹Aqqa wciy as ca n řweqt ħima ad tetub, maca nettat war teks ca ad tetub zi tuqeħbit nnes. ²²Xħar, ad tt yeḍřey di tassut n imeħřac uca inni akis izennan ad ten nedħey di řehṣart tameqqrant mařa war tuben ca zi řexdayem nsen. ²³Tarwa nnes ad ten wtey s řmewt uca marra

timesmunin ad fehment aqqa necc d wenni iqeğben tiyzeřt d wuř uca ad awem wcey kuř ijjen x řehsab n řexdayem nnes. ²⁴Maca i kenniw, inni iqqimen di Tiyatira inni war ġar iği ca tağuri-ya uca war ssinen umi qqaren nitni 'řağay n Cciğan', ad awem iniy, necc war xawem ttdarracey ca tayrart nneđnit. ²⁵Maca min ġarwem, řřfem dayes ař i d ġa yasey. ²⁶Marra wenni i ġa iyellben d wenni i ġa iřřfen di řexdayem inu ař aneggaru 'ad as wcey řřulřa x řegnus ²⁷uca ad ten yarwes s uzeğað n wuzzař, ad twarzen am řebđie n řřaxt', am mammec necc t řřfey eawed zi Baba ²⁸uca ad as wcey itri n řefjar. ²⁹Wenni ġar iğa imezzuyen ad iseř min iqqar Arruħ i tmesmunin! ”

I tmesmunt di Sardis

3 ¹“Ari i lmalak n tmesmunt di Sardis ‘Ammu iqqar wenni ġar iğa sebæa n arruħat n Arebbi d sebæa n itran: Necc ssney řexdayem nnek, aqqa isem nnek iddar, maca cek temmuted. ²Ĥða, sejhed min iqqimen min igğuren ad itwahellek. Aqqa ufiy řexdayem nnek war kemmřent ca ġar Arebbi. ³X uyenni eqeř mammec teřřfed d mammec teřřid uca řřfem dayes, tub! Maca mařa war teħđid, ad d asey am uceffar, war tessined ca di man tasaæet i xak ġa beddey. ⁴Maca ġarwem ca n ismawen di Sardis, inni war issxemjen ca arruđ nsen uca nitni ad uyuren akidi s warruđ acemřař, minzi nitni sdaheğen t. ⁵Wenni i ġa iyellben ad yarđ arruđ acemřař. Eemmarř ad kksey isem nnes zeg wedlis n tudart, maca ad cehdey isem nnes zzat i Baba d lmalakat nnes. ⁶Wenni ġar iğa imezzuyen ad iseř min iqqar Arruħ i tmesmunin! ”

I tmesmunt di Filadilfiya

⁷“Ari i lmalak n tmesmunt di Filadilfiya ‘Ammu iqqar Umqeddas wenni d tidett d wenni ġar iğa tsarut n Dawud d wenni i ġa yarezmen, xenni uřa d ijjen mma ad ibellee, d wenni i ġa ibelleen, xenni uřa d ijjen mma ad yarzem: ⁸Necc ssney řexdayem nnek. Aqqa ggiy zzatec ict n tewwart tarzem uřa d ijj war izemmar ad tt ibellee, minzi jjeħd nnek d amezyan, qae amenni teħđid awař inu uca war tenkared ca isem inu. ⁹Aqqa ad wcey ca zeg usinagug n Cciğan, inni iqqaren aqqa nitni d Udayen, maca nitni war ġin ca amenni, maca nitni sşarriqen. Ad ten arrey ad ac wđan ġar iđaren nnek ħima ad ssnen belli necc sseizzey cek, ¹⁰minzi aqqa cek teħđid awař inu n řřbar, x uyenni ad

xak ḥḍiy εawed zi tsææet n ujarreb tenni i d ya yasen x tmurt marra i ujarreb n inni izeddyen x tmurt. ¹¹Necc ad d aseḡ deḡya. Tḥef di min ḡarek ḥima uḡa d ijj war d ac ittekkes ca tamrist nnek. ¹²Wenni i ḡa iyellben ad t ggeḡ d abilar di taddart iqeddsen n Arebbi inu uca war zzayes itwammeksi εemmarḡ uca ad xas ariḡ isem n Arebbi inu d yisem n tendint n Arebbi inu, Urcalim n jdid tenni i d ḡa ihwan zeg ujenna zi Arebbi inu, uḡa d isem inu n jdid. ¹³Wenni ḡar iḡa imezzuyen ad iseḡ min iqqar Arruḥ i tmesmunin.’ ”

I tmesmunt di Layudikiya

¹⁴“Ari i lmalak n tmesmunt di Layudikiya ‘Ammu iqqar wenni umi itwaḡaya ‘Amin’, acehhad aḡdiq d tidett, wenni d beddu n marra min d ixḡeq Arebbi: ¹⁵Necc ssney řexdayem nnek, belli cek war tesmiḍed war tḥemmid. Mři i ḡa tesmeḍed niḡ tḥemmid! ¹⁶X uyenni, umi cek temḡuded, war tḥemmid war tesmiḍed, ad xak ssusfeḡ zeg uqemmum inu. ¹⁷Minzi cek teqqared ‘Necc ḡari agra uca immarni-d ḡari wagra, war d ayi ittxeḡḡi walu’, uca war tessined ca belli cek di řeḡben d řeḡweḡ, aqqa cek d amezḡuḍ d adarḡaḡ d æaryan. ¹⁸Ad cek neḡḡey maḡend ad xafi tesḡed wureḡ iqquren ikkin timessi ḥima ad tdewḡed d bu agra, uḡa d arruḍ d acemḡaḡ ḥima ad tarḍed, war teḍhar εad řefḍiḡet n tuεaryent nnek, uḡa d ddhen i tiḡḡawin nnek ḥima ad tmeḡḡed tiḡḡawin nnek, ad twaḡid. ¹⁹Kuḡ ijjen wenni sseizzeḡ, ttwebbxeḡ t, ttseggdeḡ t. Egg řbaḡ, tub! ²⁰Aqqa da, necc beddeḡ ḡar tewwart, ssqarqubey. Maḡa ḡed iseḡ i tmijja inu, ad yarzem tawwart, necc ad ḡares adfeḡ uca ad kis munsweḡ d netta akidi. ²¹Wenni i ḡa iyellben ad as wceḡ ḥima ad iqqim akidi x řæarc inu amecnaw necc ḡellbey uca qqimeḡ ak-d Baba x řæarc nnes. ²²Wenni ḡar iḡa imezzuyen ad iseḡ min iqqar Arruḥ i tmesmunin.’ ”

Řæarc deg ujenna

4 ¹Awarni man aya zriḡ ict n tewwart tarzem deg ujenna uca tmijja tamezwarut i sřiḡ am ij n řbuq i ḡari-d issawaḡen, tenna “Gaεεed da uca ad ac ssecneḡ min ittxeḡḡ ad imsar awarni man aya.” ²Řexdenni ireḡḡef ayi-d Arruḥ. Aqqa da, ij n řæarc ibedd deg ujenna, tuḡa iqqim xas ijjen. ³Tifras n wenni tuḡa xas iqqimen amecnaw *aḡru n yasbis d sardwan*. Tiwwa i řæarc tuḡa din ict n tesḡit n wenzar, udem nnes

idhar amecnaw *azru* n smiralda. ⁴Quwwaren as i řearc arebea u eecrin n řekrasi n řearc uca arebea u eecrin n imyaren tuya qqimen x řekrasi n řearc, arđen arruđ acemřař, řarsen x uzeřif timrisin n wureř. ⁵Zi řearc nni ccaten zzayes assamen d wajjajen d tmijjawin. Zzat i řearc areqqent sebea n iřefđawen, tina d sebea n arruřat n Arebbi. ⁶Yar zzat n řearc tuya din amecnaw řebřar n zzaj axmi d azru n kristal. Di řwest n řearc d min d as-d innđen, tuya din arebea n imeddaren, emmaren s tiřřawin marra řar zzat d đeffar. ⁷Ameddar amezwaru yarwes deg wayrad, wiss tnayen deg ueejmi (*niř ayenduz*), wiss třata tuya ařembub nnes axmi n bnađem uca wiss arebea yarwes deg unedđiw iřřawen. ⁸Arebea n imeddaren kuř ijjen weřdes zzaysen řares setta n wafriwen, emmaren s tiřřawin řar barra d daxeř u ttřayan ass d řiřet nnebřa abeddi, qqaren “Amqeddas, amqeddas, amqeddas d Sidi Arebbi Amzemmar x marra min iřan d wenni tuya d wenni iřan d wenni i d řa yasen.” ⁹Uca xmi i řa wcen imeddaren aeuři d ccan d uqadi i wenni iqqimen x řearc, i wenni iddaren i řebda, ¹⁰xenni arebea u eicrin n imyaren ad wđan řar tmurt řar zzat n wenni iqqimen x řearc, ad ssejden i wenni iddaren i řebda qaε uca ad ssarsen timrisin nsen řar zzat i řearc, qqaren ¹¹“Cek, a Sidi Arebbi nney, a Amqeddas, tesdaheğed aeuři d ccan d jjeđd, aqqa d cek i iggin marra min iřan, aqqa man aya zzayek i iřa uca zzayek i itwagg.”

Adlis itwannđen d Izmar

5 ¹Uca zřiř deg ufus afusi n wenni iqqimen x řearc ij n wedlis itwannđen, tuya xas tira řar daxeř d barra, uca *adlis* tuya itwacemmee s sebea n icemmiēen. ²Uca zřiř ij n lmalak ijhed, ittřaya s jjeđd “Man wen isdaheğen ad yarzem adlis-a uca ad ikkes icemmiēen nnes?” ³Uca uřa d ijj deg ujenna niř di tmurt niř sadu tmurt izemmar ad yarzem adlis-a niř ad dayes ixřar. ⁴Necc ruř ařřas umi war ufin wi isdaheğen ad yarzem adlis-a řima ad zzayes iřar niř ad dayes ixřar. ⁵Uca ijjen zeg imyaren inna “War ttru ca! Xřar, ayrad zeg ayt n Yahuda zeg uřwar n Dawud, aqqa iřelleb řima ad yarzem adlis-a d sebea n icemmiēen nnes.” ⁶Uca zřiř řar řwest n řearc d arebea n imeddaren uca di řwest n imyaren ij n izmar ibedđ, igga axmi d tařarřt. Netta řares sebea n waccawen d sebea n tiřřawin, nitni d sebea arruřat n Arebbi inni itwassekken řar

ddunnit tmun. ⁷Aqqa netta yusi-d uca iksi adlis itwannđen zeg ufus afusi n wenni tuya iqqimen x řearc. ⁸Ařami itřef adlis itwannđen, wđan-d arebea n imeddaren d arebea u eecrin n imyaren řar tmurt zzat i izmar, marra idsen řarsen harbat d řřbařa n wurey ccurent s řebxur marra, man aya d tizařitin n imqeddasen. ⁹Uca yennjen ij n izři n jdid “Cek tesdaheřed ad teksid adlis itwannđen, ad tekksed icemmiēen nnes minzi cek tetwayarřed uca s idammen nnek tesyid aney i Arebbi zi kuř taqbič d iřes d weydud d řgens. ¹⁰Cek tarrid ten d ijeřiden d ikehhanen i Arebbi, ad řekmen x tmurt.” ¹¹Xenni zři y uca sři y tmijja n wařtas n lmalakat nndent i řearc d imeddaren d imyaren uca tuya-ten eecra ařaf di eecra n řuřuf d ařef di řuřuf, ¹²třayan s tmijja ijehden “Izmar wenni itwayarřen isdaheř ad itřef jjehd d wagra d tiyit d tzemmar d ccan d ueuři d usemyar!” ¹³Uca marra wi iřan deg ujenna u x tmurt d sadu tmurt u x řebřar, qae min iřan daysen, sři y asen, qqaren “Asemyar d ccan d ueuři d řřulřa ad iřin i wenni iqqimen x řearc u i izmar i řebda qae.” ¹⁴Uca arebea n imeddaren qqaren “Amin!” Imyaren wđan-d řar tmurt, sejen.

Sebea n icemmiēen

6 ¹Uca zři y belli izmar ifsi **acemmiē amezwaru** zi sebea n icemmiēen nni uca sři y ijjen zi arebea n imeddaren iqqar s tmijja am wajjaj “As-d, xzar!” ²Xenni zři y ij n uyis d acemřarř d wenni xas inyin řares ij n řqewř. Wcin as ict n temrist uca netta iffey-d am ittýellab uca řima ad iyelleb. ³Ařami yarzem **acemmiē wiss tnayen**, sři y i umeddar wiss tnayen, iqqar “As-d, xzar!” ⁴Uca yusi-d uyis nneđni, tuya d azeggway am tmessi uca wenni xas inyin, ggin t řima ad iksi řehna x tmurt, řima ad kkaren iwđan, ad řarřen i wayawya uca wcin as ij n ssif imyār. ⁵Ařami yarzem **acemmiē wiss třata**, sři y i umeddar wiss třata iqqar “As-d, xzar!” Uca zři y ij n uyis d abarcān uca wenni xas inyin řares ij n řmizān deg ufus. ⁶Di řwestř n arebea n imeddaren sři y axmi ca n tmijja teqqar “Ijj n řmud (=litru) n yirden s ijj n ddinar d třata n řemdud n yirden s ijj n ddinar. Yar zžect d binu war ten ttđiyyiēem ca!” ⁷Ařami yarzem **acemmiē wiss arebea**, sři y i tmijja n umeddar wiss arebea teqqar “As-d, xzar!” ⁸Uca zři y ij n uyis d asnabi (=awray aceřcař - awray adardas) uca wenni xas inyin, qqaren-as ‘řmewt’ uca teđřar it řaxart. Temmewc asen i nitni řřulřa x ijj n arbee n tmurt řima ad nyen s ssif,

s řaz, s řmewt u s řewħuc n tmurt. ⁹Ařami yarzem **acemmie wiss xemsa**, zřiy sadu uealtar řeemur n yinni itwanyen di řřwee n wawař n Arebbi uca di řřwee n chadet i tuřa řarsen, ¹⁰řayan s jjeħd “A řħakem amqeddas d bab n tidett, meĉař i řa teqqimed war řħekmed, war ttneqmed ca i idammen nney zeg inni izeddyen di tmurt?” ¹¹Uca wcin asen, marra ijj-ijj, řeēbayat d ticemřařin, nnan asen belli ad areyyħen drus ař i řa kemmřen isemyan nneđni d wawmaten nsen, inni i řa itwanyen eawed am nitni. ¹²Uca zřiy, ařami yarzem **acemmie wiss setta**, řexdenni imsar ij n wenhezzi n tmurt d ameqqran. Tfuct tedweř d tabarcant am ict n txancet n wecđan uca taziri tmun tegga am idammen ¹³uca itran n ujenna wđan-d řar tmurt am iqurrae zeg wartu xmi t-id iyeřřeř ij n usemmiđ d ameqqran. ¹⁴Ajenna immeksi am ij n urrullu n wedlis, nneđen t uca marra idurar d tegzirin twakksen zeg imucan nsen. ¹⁵Ijeđiden n tmurt d imeqqranen d aytbab n wagra d yinni d ikumandaren x wařef d yinni řarsen tizemmar d kuř ismey d řħurr, aqqa nitni ssnuffaren ixef nsen deg ifran u jar řejruf n idurar, ¹⁶nnan i idurar d řejruf “Wđam-d xaney, ffarem aney zeg wudem n wenni iqqimen x řearc u zi lřađab n izmar, ¹⁷minzi ass ameqqran n lřađab nnes aqqa yusi-d, man wen izemmaren ad iedu?”

Acemmie n Arebbi iddaren

7 ¹Awarni man aya zřiy arebea n lmalakat beddent řar arebea n řyemmura n tmurt, řřfent arebea n isemmiđen n tmurt, řima war ittřuđi usemmiđ uřa x řbarr uřa x waman niř x ca n tcejjart. ²Uca zřiy ij n lmalak nneđni yuři-d manis d tneqqar tfuct, aqqa řares acemmie n Arebbi iddaren uca iřaya s jjeħd i arebea n lmalakat tinni umi temmewc tzemmar řima ad ssexsarent tamurt d waman, ³iqqar “War tsssexsarent tamurt uřa d aman uřa d ticejjura ař i řa negg acemmie x tenyart n isemyan n Arebbi nney.” ⁴Uca sřiy řqedd n inni itwacemmeen, meyya u arebea u arebein n ařaf aqqa itwacemmeen zi marra tiqebbař n Israyil

⁵teneac ařaf zi teqbiĉ n Yahuda, teneac ařaf zi teqbiĉ n Rubin,

⁶teneac ařaf zi teqbiĉ n Gad, teneac ařaf zi teqbiĉ n Acir,

teneac ařaf zi teqbiĉ n Naftali, teneac ařaf zi teqbiĉ n Manassa,

⁷teneac ařaf zi teqbiĉ n Simean, teneac ařaf zi teqbiĉ n Lawi,

teneac ařaf zi teqbič n Isakkar, ⁸teneac ařaf zi teqbič n Zibulun, tenec ařaf zi teqbič n Yusef, tenec ařaf zi teqbič n Binyamin.

Abarru n řyaci zi kuř řgens

⁹Awarni man aya aqqa zriy ij n ubarru n řyaci zi kuř řgens d tqebbař d weydu d iřsawen uřa d ijj war izemmar ad ten ifarz. Nitni bedden ztat i řearc d yezmar, arđen řebayat d ticemřařin uca řarsen tiseđwin n tini deg ifassen nsen. ¹⁰Ttřayan s jjehd “Asenjem ittiři i Arebbi nney wenni iqqimen x řearc u i izmar.” ¹¹Uca marra lmalakat nndent-id i řearc uřa d imyaren d arebea n imeddaren, uca ađaren řar tmurt s wudmawen nsen qibač i řearc, sejden i Arebbi, ¹²nnan “Amin! Asemyar d ueuđi d tiyit d uqadi d ccan d jjehd d tzemmar i Arebbi nney i řebda qaε. Amin.” ¹³Xenni yarr-d ijjen zeg imyaren nni, inna ayi “Min enan nitni iwdan-a yardeň řebayat d ticemřařin, manis d usin?” ¹⁴Necc nniy as “A Sidi inu, cek issnen.” Inna ayi “Ina aqqa usin-d zi řeřart tameqqrant. Nitni řebnen řebayat nsen uca arrin tent d ticemřařin deg idammen n izmar. ¹⁵X uyenni nitni bedden ztat i řearc n Arebbi uca xeddmn as ass d ğiřet di taddart iqeddsen nnes. Uca wenni iqqimen x řearc ad xasen iwwet aqıđun nnes. ¹⁶War iqqim εad ad ğužen niy ad fuden, war ten tettqeddi uřa d tfuct uřa d ict n jjurret n řeřmu, ¹⁷minzi izmar i ibedden di řweř n řearc ad ten yarwes, ad ten indeh řar tařawin n waman n tudart uca Arebbi ad asen imseř kuř ametřa zi tiřawin nsen.”

Acemmiε wiss sebea

8 ¹Ařami yarzem **acemmiε wiss sebea**, ajenna tuya yarsa eřařař azyen n tsaεet. ²Uca zriy sebea n lmalakat tinni beddent ztat i Arebbi uca immewc asent sebea n řebwaq. ³Aqqa ij n lmalak nneđni yusi-d, yuyur ad ibedd řar uealtar s ict n teqduřt n wurey i řebxur. Wcin as ařtas n řebxur řima ad t iwehheb ak-d tzađitin n marra imqeddasen x uealtar n wurey qibač i řearc. ⁴Uca ddexxan n řebxur ak-d tzađitin n imqeddasen tuya ittgaεεad zeg ufus n lmalak i ibedden qibač i Arebbi. ⁵Xenni lmalak iksi taqduřt n řebxur, iccur itt s tmessi zeg uealtar uca inđar itt řar tmurt uca usin-d wajjajen d tmijjawin d wassamen d wenhezzi n tmurt.

Sebea n řebwaq

⁶Uca řezgment sebea nni n lmalakat tinni řar ięa sebea n řebwaq řima ad daysen řudent. ⁷Xenni **lmalak amezwaru** iřud di řbuq nnes uca tewđa-d tebrurri d tmesi x tmurt, xeęđent ak-d idammen uca ict n tuřut n tmurt d ict n tuřut n tcejjura tuya tetwassecmeđ uca marra řeřtic aziza tuya tetwassecmeđ. ⁸Xenni **lmalak wiss tnayen** iřud di řbuq nnes uca ca n tmesřact am wedrar ameqqran icemmđen, immenđar di řebřar uca ict n tuřut n řebřar tedweř d idammen, ⁹u ict n tuřut n lřayawanat inni iddaren di řebřar mmuten d ict n tuřut n iyarruba tareddeę. ¹⁰Xenni **lmalak wiss třata** iřud di řbuq nnes uca ij n itri d ameqqran, yurya am ij n weřfeđ, iwđa-d zeg ujenna x ict n tuřut n iyezran d tařawin. ¹¹Itri-ya qqaren-as ‘Absintus’ (=‘Cciř’). Aqqa ict n tuřut n waman tedweř d ‘absintus’ (*min ixš ad yini ‘tarzeg amecnaw cciř’*) uca mmuten ařtas n iwdan s waman umi dewřen *waman* d imarzagen. ¹²Xenni **lmalak wiss arebea** iřud di řbuq nnes uca tetwařtef ict n tuřut n tfuct d ict n tuřut n tziri d ict n tuřut n itran ařami tebbarcen ict n tuřut n tfawt uca tewđa-d tembambest x ict n tuřut n uziř uřa x ğiřet. ¹³Uca zriř ij n uneqđiw di řwestę n ujenna, tettřaya s jjeħd “Uct, uct, uct i inni izeddyen di tmurt x ssibbet n řřess n řebwaq n třata n lmalakat i řa iřuden ead di řebwaq nsent.”

9 ¹**lmalak wiss xemsa** iřud di řbuq nnes uca zriř ij n itri iwđa-d zeg ujenna x tmurt, temmewc as tasarut n uqemmum n tesraft yuęyen. ²Netta yarzem tasraft yuęyen uca igaeęed-d ddexxan zeg uqemmum n tesraft am ddexxan n tefqunt tameqqrant uca tfuct d řeęwin barcnen zi ddexxan n tesraft. ³Zi ddexxan ffyen-d zzayes iburexsen řar tmurt, temmewc asen řřulřa am tenni ięan řar řyardmiwin n tmurt. ⁴Itwana asen “War tjeyyřem řeřtic n tmurt uřa d ayeimmuy aziza niř tacejjart myir i iwdan waha inni war řar ięi ucemmie n Arebbi x tenyart nsen”. ⁵Temmewc asen tzemmar mařend war neqqen iwdan, maca ad ten eeddben řqedd n xemsa n iyuren uca aeędeeb nsen am ueędeeb n řyardent xmi teqęes i bnadem. ⁶Deg wussan nni ad arzun iwdan řmewt, war tt ttifen uca ad ttaren ad mmeten uca řmewt ad zzaysen tarweř. ⁷Iburexsen ggin am iysan i iřezmen i umenyi uca řarsen x uzeęif am timrisin n wurey d iyembab nsen am iyembab n iwdan, ⁸uca acuwwf nsen am acuwwf

^{8:13} ‘ij n uneqđiw’ - di ca n řmaxřuřat tiqđimint nufa ‘ij n lmalak’

n temyarin, tiymas nsen am tinni n wayraden, ⁹uca idmaren nsen ssduřuyen s wuzzař uca ddriz n wafriwen nsen am ddriz n ikarruten ak-d wařtas n iysan itteqnunnuyen ħar umenyi, ¹⁰ħarsen ikennasen am tyardmiwin d isennanen uca řulřa nsen tuya deg ikennasen nsen, ħima ad eedben iwdan řmijař n xemsa n iyuren. ¹¹Ajeġid xasen d netta d lmalak n tesraft, qqaren as s teibranit ‘Abaddun’, s tgrigit ‘Abulliyun’. ¹²‘Uct’ tamezwarut teedu, awarni man aya ad d asent ead tnayen n ‘wuctat’. ¹³**Lmalak wiss setta** iřuđ di řbuq nnes uca sřiy tmijja i d yusin zi arebea n waccawen n uealřar n wurey i ibedden din qibač i Arebbi ¹⁴tenna i lmalak wiss setta i ħar iġa řbuq “Fsiy i arebea n lmalakat inni icarfent řtarf n iyzar ameqqran n Ufrat.” ¹⁵Uca arxun asent i arebea n lmalakat tinni tuya iħezzen dinni ħar wass d uyur d useggwas, ħima ad nyent ict n tuřut n iwdan. ¹⁶Tuya řqedd nsen tyuya n eecra ařaf s eecra řuřuf n imnayan (=řeskar s iysan) uca sřiy mečař di ġan. ¹⁷Ammu i zřiy iysan d yinni xasen inyin di tmezra-ya: tuya ssduřuyen idmaren nsen s wuzzař d azeggway am tmessi d wezbaybi am ‘tyasint’ d wewraġ am řecbareyyet uca izeġifen n iysan nni am izeġifen n wayraden uca zeg iqemmumen nsen teffey-d zzaysen tmessi d ddexxan d řecbareyyet. ¹⁸Aqqa ict n tuřut n iwdan tetwaney s řřata-ya n jrrayeħ, s tmessi d ddexxan d řecbareyyet i d itteffyen zeg iqemmumen nsen. ¹⁹Minzi řulřa nsen aqqa-tt deg iqemmumen d ikennasen nsen, minzi ikennasen nsen ggin axmi d ifiřan, ħarsen izeġifen ttjeyyħen zzaysen iwdan. ²⁰Maca iwdan iqqimen inni war itwanyen ca zeg jiriħect-a, war tuben ca zi řexdayem n ifassen nsen maħend ad bedden zeg uebad n ccwařen d lařnam n wurey d nnuqart d nnħas d wezru d ukeccuđ, inni war ittwiřin, war ittesřin, war igguren ²¹uca nitni war tuben ca zeg uneqqi nsen niy zi tseħħart nsen, uřa zi tuqeħbit nsen niy zi tukkarda nsen.

Lmalak ijhed s wedlis amezyan

10 ¹Uca zřiy ij n lmalak ijhed, ihwa-d zeg ujenna, tuya yarđ aseynu uca tasřit n wenzar tbedd as x uzeġif uca aymbub nnes igga am tfuct, idaren nnes am ibilaren n tmessi. ²Iřtef deg ufus nnes ij n wedlis amezyan yarzem. Issars ađar nnes afusi x řebħar, ađar nnes azeřmađ x tmurt ³uca iřaya s jjeħd am wayrad. Umi iřaya, arrin-d xas sebea n wajjajen s řħess nsen. ⁴Řami kemmřen sebea n

wajjajen nni awař nsen, tuya xsey ad t ariy. Uca sřiy i ict n tmijja třaya-d zeg ujenna “Egg acemmie x min nnan sebea n wajjajen, war t ttari ca.”⁵ Lmalak wenni tuya zřiy, ibedd x řebřar d tmurt, iki afus nnes afusi řar ujenna⁶ uca ijuř řar wenni iddaren i řebda qae, wenni iggin ajenna d min dayes d tmurt d min dayes d řebřar d min dayes “War teqqim bu řweqt!”⁷ Aqqa deg wussan n řřes n lmalak wiss sebea xmi netta ad iřuđ di řbuq nnes, ad ikmeř ssir n Arebbi, mammec tuya ittbarreř i isemyan nnes, imkacafen.⁸ Uca tmijja i sřiy zeg ujenna tessiweř-d řari ict n twařa nneđnit “Uyur, ksi adlis yarezmen zeg ufus n lmalak wenni ibedden x řebřar d tmurt.”⁹ Uca uyurey řar lmalak, ttarey as ad ayi iwc adlis amezyan. Inna ayi “Ksi t, teccid t uca ad issarzeg aeddis nnek, maca deg uqemmum nnek ad yiři d amizid am tamment.”¹⁰ Necc ksiy adlis amezyan zeg ufus nnes uca cciy t. Tuya-t d amizid deg uqemmum inu, ařami t cciy, yarez deg ueddis inu.¹¹ Uca nnan ayi “Ittxeř ac twařa nneđnit ad tbarřed awař n Arebbi i wařtas n iyduden d řegnus d iřsawen d ijeřiden.”

Tnayan n řechud i ibedden zzat i Arebbi

11¹ Uca immewc ayi ij n uřanim, igga am ij n uqeřtab, iqqar “Kkar, tebbared taddart iqeddsen n Arebbi d uealřar d yinni dayes iebbden!”² Azzay wenni řar barra n taddart iqeddsen, eij it, war t tebbar ca, minzi aqqa immewc i řegnus uca nitni ad efsen tandint iqeddsen tnayan u arebein n iyuren.³ Necc ad wcey tizemmar i tnayan n řechud inu, ad barrřen awař n Arebbi ařef u mitayn u settin n wussan, arđen s txancet n wecđan.”⁴ Nitni d tnayan n tzitunin d tnayan n řeqnadeř i ibedden zzat i Arebbi n tmurt.⁵ Mařa din ca n ijjen ix ad ten ihweř, ad teffey tmessi zeg uqemmum nsen uca ad tecc řeedyan nsen. Mařa ca n ijjen ix ad ten ihweř, ittxeř as ad itwaney ammu.⁶ Nitni řarsen řřulřa mařend ad qqn ajenna, řima war d iwetři wenzar deg wussan mindi i řa ibarrřen nitni. Yarsen eawed tizemmar x waman, řima ad ten arren d idammen uca ad řeyyřen tamurt s marra jriřect meřmi mma xsen.⁷ Xmi i řa kemmřen chadet nsen, ad d igaeed řweřc zi tesraft n tmurt, ad kisen immney, ad xasen iyelleb uca ad ten iney.⁸ Řxecbat nsen ad iřint deg webrid n tendint tameqqrant umi qqaren s řmeena arruři nnes “Sudum d Miřa”, mani nyin Arebbi x řřalib.⁹ Uca inni zeg iyduden d tqebbař d iřsawen d řegnus

ad ẓaren řxecbat nsen, war jjin ad mmarsen řxecbat nsen deg wenđer řtřata n wussan d wezyen.¹⁰Uca imezday n tmurt ad zzaysen farřen, ad iřin mliħ, ad arezfen ijjen ẓar wenneđni, minzi tnayen n imkacafen-a tuẓa ẓezzan deg imezday n tmurt.¹¹Maca awarni řtřata n wussan d wezyen yudef daysen arruħ n tudart zi Arebbi uca kkaren, bedden x iđaren nsen uca tiggwudi temẓar tewđa-d x inni ten iẓrin.¹²Uca sřiy ict n tmijja tejhed *tetřaya* zeg ujenna, teqqar asen “Gaædem-d dal!” Uca nitni gaæden ẓar ujenna deg useynu uca řeedyan nsen ẓrin ten.¹³Di tsææet nni imsar ij n wenhezzi n tmurt d ameqqran. Ict n tæccart n tendint tehdem d sebea ařef n ismawen n iwdan mmuten s wenhezzi-ya n tmurt. Wi iqqimen dewřen ggweden ařas uca ssueřan zi Arebbi n ujenna.¹⁴‘Uct’ wiss tnayen teedu, aqqa ‘uct’ wiss řtřata teggur ad d tas.

Řbuq wiss sebea

¹⁵**Lmalak wiss sebea** iřuđ di řbuq nnes uca kkarent tmijjawin timeqqranin deg ujenna, ttřayant “Tagelda n ddunnit aqqa tedweř-d ẓar Arebbi nney u ẓar Lmasiħ nnes uca netta ad iħkem am ujeđid i řebda ẓæc.”¹⁶Arebea u eicrin n imẓaren, inni iqqimen x řekrasi nsen zzat i řæarc n Arebbi, uđaren ẓar tmurt s uyembub nsen uca æebden Arebbi,¹⁷qqaren “Neccin nettqada cek, a Sidi Arebbi Amzemmar x marra min iđan, cek d wenni iđan d wenni tuẓa d wenni i d ẓa yasen, aqqa teksid jjeħd nnek ameqqran uca cek aqqa tħekmed.¹⁸Řregnus tuẓa xeyyqen xak uca lẓađab nnek yusi-d uřa d řweqt ħima ad twaħasben imettinen uřa ħima ad temmewc řmunet i isemẓan nnek imkacafen uca i imqeddasen d marra inni itteggweden isem nnek, imeẓyanen d imeqqranen, aqqa tiweđ-d řweqt ad tareyybed inni ittareyyben tamurt.”¹⁹Nnurzment tiwwura n taddart iqeddsen n Arebbi deg ujenna ařami itwazar řşenduq n řæahd nnes uca kkaren wassamen d tmijjawin d wajjajen uřa d anhezzi n tmurt d usemmiđ s ubrurri imẓar.

Tamẓart d řhaycet

12¹Xenni tetwazar ict n řæřamet d tameqqrant deg ujenna, ict n tmeřtut tyarđ tfuct, taziri sadu iđaren nnes uca ẓares x uzeđif ict n temrist s tenæac n itran.²Tuẓa teksid ddeyset, tesẓuyyu s řewjae d unezbar n tarwa.³Xenni tetwazar ict n řæřamet nneđni

deg ujenna, aqqa din ict n řhaycet tameqqrant tazeggwayt am tmessi, ġares sebċa n izeġifen d ěcra n waccawen uca x izeġifen nnes sebċa n temrisin. ⁴S ukennas nnes tfařd zzayes ict n tuřut n itran zeg ujenna, tesszareyyeđ iten ġar tmurt. Řhaycet tuya tbedd zzat i tmeřřut i ġa yařwen, ħima ad třard aĥenjir nnes xmi t-id ġa tařu. ⁵Uca tuřu-d aĥenjir wenni i ġa iĥekmen x marra řegnus s uzeġađ n wuzzař. Aĥenjir nnes immeksi deġya ġar Arebbi u ġar řěarc nnes. ⁶Maca tameřřut tarweř ġar řexřa, ġar mani tuya d as igga Arebbi amcan ħima ad as sseccen řqedd n wařef u mitayn u settin n wussan. ⁷Uca ikkar umenġi deg ujenna. Mixayil d lmalakat nnes mmenġent ak-d řhaycet uca řhaycet d lmalakat nnes mmenġent ěawed akis, ⁸maca war jhident ca uca war itwif ěad wemcan nsen deg ujenna. ⁹Temmenđar řhaycet tameqqrant, nettat d ařiyar wenni tuya zic, qqaren as ibřis niġ Cciřan, wenni iyekkwan marra ddunnit, aqqa immenđar x tmurt uca lmalakat nnes mmenđarent akis. ¹⁰Uca sřiy ict n tmijja deg ujenna teqqar s jjeĥd "Aqqa yusi-d usenjem d jjeĥd d tgeldit n Arebbi d řřulřa n Lmasiř nnes, minzi wenni iđeřmen aytmatneġ, wenni i ten iđeřmen aziř d ġiřet, aqqa immenđar. ¹¹Yellben t s idammen n Izmar d wawař n chadet nsen uca nitni war sseizzen ca tudart nsen ař řmewt. ¹²X uyenni, farĥem a ijenwan d yinni daysen izeddyen! Uct x tmurt d řebřar, ibřis aqqa ihwa-d ġarwem s tefqaĥt nnes imġaren ařřas, minzi netta issen belli řweqt nnes aqqa tiweđ-d!" ¹³Ařami řhaycet tufa ixef nnes temmenđar ġar tmurt, teđfar tameřřut i d yuřwen aĥenjir. ¹⁴Mmewcen as i tmeřřut tnayen n wafriwen n unedđiw ameqqran ħima ad teđwu ġar wemcan nnes di řexřa, mani ad as sseccen ijj n wakud d ikuden d wezyen n wakud n řweqt, mani war tt iřarr uřiyar. ¹⁵Ařiyar issusef x tmeřřut zeg uqemmum nnes, igga ict n řĥemřet n waman am iyzar, ħima ad tt yawi iyzar. ¹⁶Tamurt teawen tameřřut uca tamurt tarzem aqemmum nnes, teĥruw iyzar wenni i d issusfen řhaycet zeg uqemmum nnes. ¹⁷Uca řhaycet txeyyeq ařřas x tmeřřut uca tuyur ħima ad temneġ ak-d inni iqqimen zi tarrawt nnes uca ak-d inni ittettřfen di tweřřa n Arebbi u di chadet n Yeccu Lmasiř.

Řweħc zi řebħar

13 ¹Uca dewřey ad beddey x ijdi *yar tma* n řebħar. Uca zřiy ij n řweħc igaeēed-d zi řebħar, ģares eecra n waccawen d sebea n izeġifen. X waccawen nnes eecra n temrisin uca x izeġifen nnes yuran xasen ismawen n ttekfir. ²Řweħc i zřiy, yarwes deg uyiřas, iđaren nnes am iđaren n wusu, axenfuc nnes am uxenfuc n wayrad. Řħaycet tewc as jjeħd nnes d řearc nnes uřa d řřulřa imyaren. ³Ijjen zeg izeġifen nnes igga axmi igzem ař řmewt, xenni ayezzim nnes i iggin axmi iyzem ař řmewt itwassgenfa uca marra tamurt tejear dayes, teđfar řweħc. ⁴Aqqa nitni eebden řħaycet *nni* minzi nettat tewca řřulřa i řweħc, uřa d nitni eebden řweħc, qqaren “Man wen yarwesen di řweħc d man wen izemmaren ad kis imeařan?” ⁵Immewc as uqemmum, ittegg ixef nnes imyar, ittceqqaf di Arebbi, temmewc as řřulřa ģima ad imeařa akis arebein n iyuren. ⁶Uca netta yarzem aqemmum nnes ģima ad iceqqef di Arebbi uca ģima ad iceqqef deg isem nnes u di tzeddiyt nnes uřa di marra inni izeddyen deg ujenna. ⁷Immewc as ad imeařa ak-d imqeddasen, ad xasen iyelleb. Temmewc as řřulřa x kuř taqbič d weydud d iřes d řgens ⁸uca marra inni tuya izeddyen di tmurt ad t eebden, kuř ijjen wenni umi war yuri isem nnes deg wedlis n tudart n Izmar wenni umi ģarřen zeg wami tetwagg ddunnit. ⁹Wenni ģar iġa imezzuyen ad iseř. ¹⁰Wenni issidfen ģar řeħbes ad yadef ģar řeħbes, d wenni inyın s ssif ittxeřř as ad itwaney s ssif. Man aya d řřbar d liman n imqeddasen.

Řweħc zi tmurt

¹¹Uca zřiy ij n řweħc nneđni igaeēed-d zi tmurt, tuya ģares tnayen n waccawen amecnaw inni n Izmar uca issiweř amecnaw řħaycet. ¹²Tuya iħkem zzates s marra řřulřa n řweħc amezwaru, yarr-d tamurt d imezday nnes marra ad eebden řweħc amezwaru wenni iggenfan zeg uyezzim nnes i iggin axmi igzem ař řmewt. ¹³Řweħc wiss tnayen ittegg řeēřamat timeqqrani ař d issehwa timessi zeg ujenna x tmurt qibač i tiřawin n iwdan. ¹⁴Ad iywa inni izeddyen di tmurt s řeēřamat i d as immewcen ģima ad ten igg qibač i řweħc *amezwaru*, uca iqqar i inni izeddyen di tmurt ad kkaren ad sbedden řexyař (=timtal) i řweħc *amezwaru*, wenni waxxa tuya igzem s ssif uca iddar-d eawed. ¹⁵Immewc as ad igg ij n arruħ i řexyař n řweħc, ģima ad issiweř řexyař

(=*timtal*) n řweħc uca ad igg belli marra inni war išebbden ca řweħc ad twanyen. ¹⁶Ad igg belli marra, imezyanen d imeqqranen uřa d aytbab n wagra d imeřad niy iħurriyyen d isemyan, ad ksin tiggest deg ufus nsen afusi niy x tenyart nsen ¹⁷uca uřa d ijj war izemmar ad isey niy ad izzenz myir wenni ħar iġa tiggest d yisem n řweħc niy nnumru n isem nnes. ¹⁸Danita teġa tiyit: wenni ħar iġa uzeġif, izemmar ad issen nnumru n řweħc, minzi netta d nnumru n ij n bnađem uca nnumru nnes d setta meyya u setta u settin.

Izmar d meyya u arebea u arebein ařef

14 ¹Uca zriy Izmar ibedd x wedrar n Siyun, akis meyya u arebea u arebein n ařaf uca ħarsen x tenyart nsen isem nnes d yisem n Babas. ²Řexdenni sřiy ict n tmijja tusi-d zeg ujenna am řħess n wařtas n waman uca am řħess n wajjaj ameqqran. Řħess i sřiy tuya amecnaw ayt n harba ittiraren di harbat nsen. ³Aqqa nitni yennjen ij n izři n jdid zzat i řearc d zzat i arebea n imeddaren d imħaren. Maca izři-ya uřa d ijj war izemmar ad t iřmed myir meyya u arebea u arebein n ařaf n inni itwasellken zi tmurt. ⁴Ina d inni war ijeyyħen ixef nsen ak-d temħarin, minzi nitni d iezriyyen imezdagen. Nitni đeffaren izmar manis mma ikka, aqqa twasellken zeg iwdan am imenza i Arebbi d Izmar. ⁵Aqqa war itwif ca řyecc deg uqemmum nsen, aqqa war daysen bu řeib *qibač* i řearc n Arebbi.

Třata n lmalakat

⁶Uca zriy ij n lmalak nneđni tuya iřřaw di řwestř n ujenna, ħares řexbar ařebħan i řebda ħima ad zzayes ibarreħ i inni izeddyen di tmurt, i kuř řgens d teqbič d yiřes d weydud, ⁷uca iřaħa s jjeħd “Ggwedem Arebbi, wcem as-d aeuġi, aqqa tasaeet n lħisab nnes tiweđ-d, eebdem i wenni iggin ajenna d tmurt d řebħar d tařawin n waman.” ⁸Uca wenneđni, ij n lmalak wiss tnayen, iđfar it, iqqar “Aqqa tewđa *tendint* n Babilun tameqqrant i yejjin ad swen marra řegnus zeg waman n uđiř n tefqaħt n tuqeħbit nnes.” ⁹Uca wenneđni, ij n lmalak wiss třata, iđfar iten uca iřaħa s jjeħd “Wenni i ħa ieebden řweħc d řexyař nnes d wenni i ħa iksin tiggest x tenyart niy deg ufus nnes, ¹⁰d netta ad isu eawed zeg waman n uđiř n tefqaħt n Arebbi wenni isswejden nnebřa axeġeđ deg uyarraf n lyađab nnes uca ad itwaeđdeb s tmessi

d řebareyyet qibač i tiṭṭawin n lmalakat iqeddsen n Izmar, ¹¹uca ddexxan n uæeddeb nsen ad igææed i řebda. War ɣarsen bu arraḥet, ass d ġiřet, inni iæbbden řweħc d řexyař nnes, marra wenni iksin tiggest n isem nnes. ¹²Aqqa d wa d ššbar n imqeddasen, inni iṭṭfen di twešša n Arebbi d liman n Yeccu.” ¹³Uca sřiy ict n tmijja tettřaya-d zeg ujenna “Ari ‘Sseed n imettinen inni i ɣa imten di ṭṭweɛ n Arebbi zi řexxu tsawent. Wah, inna Arruħ, ad areyyḥen zi řexdayem nsen, aqqa řexdayem nsen ad ten đfarent.’ ”

Tameyra n tmurt

¹⁴Uca zřiy, aqqa ij n useynu d acemřař uca x useynu iqqim xas ijjen amecnaw Mmis n bnaðem, ɣares x uzeġif nnes ict n temrist n wurey uca deg ufus nnes ij n wemjar iqðeɛ x tnayen n wudmawen. ¹⁵Uca ij n lmalak nneðni iffey-d zi taddart iqeddsen uca iřaya s jjeħd x wenni iqqimen x useynu “Sekk-d amjar nnek, mjar! Aqqa tasææet n tmeyra tiweð-d, minzi ššabet n tmurt aqqa tengwa.” ¹⁶Uca wenni iqqimen x useynu, issekk-d amjar nnes ɣar tmurt uca tetwamjar tmurt. ¹⁷Uca ij n lmalak nneðni iffey-d zi taddart iqeddsen tenni deg ujenna, uřa d netta ɣares ij n wemjar iqðeɛ. ¹⁸Uca ij n lmalak nneðni wenni ɣar teġa ššulṭa x tmessi, iffey-d zeg uealṭar uca iřaya-d s jjeħd x wenni ɣar iġa wemjar iqðeɛ “Sekk-d amjar nnek iqeðen, řqeð izekkunen n tzayart (=ddiřect) n tmurt, minzi ađiř nnes aqqa ingwa (=yiweð).” ¹⁹Uca lmalak issekk-d amjar nnes ɣar tmurt, iřqeð tazayart n tmurt, inđar it di tsirt tameqqrant n tefqaħt n Arebbi. ²⁰Ḥaryen di tsirt ɣar barra n tendint uca ruccen-d idammen zi tsirt ařami iwðen ɣar sřimat n yiysan, řqedd n ařef u setta meyya n ‘istadiyyen’ (=eřaħař ṭřata meyya kilumiter).

Sebea n lmalakat s sebea n jfrageħ

15 ¹Uca zřiy deg ujenna ict n řečřamat nneðni tameqqrant d tanebhet:sebea n lmalakat iwıent-d sebea n jfrageħ tineggura, minzi tafqaħt n Arebbi ikmeř zzaysent. ²Uca zřiy amecnaw řebħar n zzaj ixegðen ak-d tmessi uca inni iyellben x řweħc d řexyař nnes d tiggest nnes d nnumru n isem nnes, bedden x tma n řebħar n zzaj, ɣarsen harbat n Arebbi. ³Nitni ɣennjen izři n Musa, ismey n Arebbi, d yizři n Izmar, qqaren “D timeqqrantin d tišebħanin řexdayem nnek,

a Sidi Arebbi, Amzemmar x marra min iġan, ibriden nnek d tasegda d tidett, a ajeġid n řegnus (*niy 'ajeġid n imqeddasen*)!⁴ Man wen war cek itteggweden, a Sidi, d man wen war issemjaran isem nnek? Cek weħdec i iġan d amqeddas, mayar marra řegnus ad d asen, ad ac eebden, minzi řehkamats isseggden nnek aqqa dħarent.”⁵ Awarni as zriy, aqqa tennurzem taddart iqeddsen deg uqıdun n chadet deg ujenna. ⁶Uca sebea n lmalakat ffyent-d zi taddart iqeddsen s sebea n jrrayeh, arđent řqeřtan ifsusen izdigen ittissiqqen, řarsent x idmaren ij n webyas n wurey. ⁷Uca ijjen zi arebea n imeddaren iwca asen i sebea n lmalakat nni sebea n řřawyat n wurey, tuya ccurent s tefqařt n Arebbi wenni iddaren i řebda qae. ⁸Taddart iqeddsen tetwaemmar s ddexxan *i d itteffyen* zeg ueuġi n Arebbi d jjeħd nnes. Uřa d ijjen mma izemmar ad yadef taddart iqeddsen ař min řa kkent sebea n jrrayeh tinni d iwiyent sebea n lmalakat.

Sebea n řřawyat n lyađab n Arebbi

16 ¹Uca sřiy ict n tmijja zi taddart iqeddsen tettřaya x sebea n lmalakat nni, tenna “Uyurem, tfarřyem sebea nni n řřawyat n tefqařt n Arebbi x tmurt!” ²Wenni d amezwaru yuyur, ifarrey řřawya nnes di tmurt. Uca idweř ij n ubuerus d aeffan iqbeř řar iwdan inni řarsen tiggest n řweħc uca sejden i řexyař (=timtal) nnes. ³Xenni **lmalak wiss tnayen** ifarrey řřawya nnes di řebřar uca idweř d idammen amecnaw ametti uca kuř řeemar iddaren di řebřar ad immet. ⁴Xenni **lmalak wiss třata** ifarrey řřawya nnes x iyezran d tařawin, dewřen d idammen. ⁵Uca sřiy i lmalak n waman iqqař “Cek d amseggad, a Sidi, cek d wenni iġan, d wenni tuya, aqqa cek d amqeddas umi teggid lħisab ammu. ⁶Nitni ssizzřen idammen n imqeddasen d imkacafen uca cek tewcid asen ad swen idammen ammu i d asen-d iffey.” ⁷Uca sřiy *wenneđni* zeg uealřar iqqař “Wah ammu, a Sidi Arebbi, Amzemmar x marra min iġan, s tidett d tseġda i řħekmed.” ⁸Xenni **lmalak wiss arebea** ifarrey řřawya nnes x tfuct uca temmewc as *i tfuct*, ħima ad tecnef iwdan s tmessi nnes. ⁹Iwdan cemđen marra s řeabuq imyaren n tmessi uca ceqqfen deg isem n Arebbi wenni řar iġa řřulřa x jrrayeh-a, waxxa amenni war tuben ca maħend ad as wcın aeuġi. ¹⁰Xenni **lmalak wiss xemsa** ifarrey řřawya nnes x řearc n řweħc uca tewđa-d taġest x tgeldit n řweħc uca zeefen

¹⁵³ *Min yuran s tira imeyyřen itwaf di ca n řmaxřuřat tiqdimint inneđni*

deg iřes nsen s ssibbet n řehriq ¹¹uca ceqqfen deg isem n Arebbi n ujenna s ssibbet n řehriq d ibuerusen nsen, waxxa amenni war tuben ca zi řexdayem tieeffanin nsen. ¹²Xenni **lmalak wiss setta** ifarrey řřawya nnes deg iřzar n Ufrat uca uřyen waman nnes, ařami issewjed abrid i ijeřiden inni i d ya yasen zi manis d tneqqar tfuct. ¹³Xenni řriy, aqqa ffyen-d zeg uxenfuc n řhaycet u zeg uxenfuc n řweřc u zeg uqemmum n umkacaf issxarriqen řřata n řaryah imengas amecnaw iqarqriwen. ¹⁴Nitni d řaryah n ccwařen inni itteggen řeřamat uca ffyen-d řar ijeřiden n ddunnit marra, ad ten ssmunen i umenyi deg wass ameqqran n Arebbi Amzemmar x marra min iřan. ¹⁵“Xzar, necc ad d aseř amecnaw aceffar! Sseed n wenni i ya iqqimen ifaq, wenni ad iřđa arruđ nnes řima war iggur d acaryan uca war itwazar uřeđři nnes.” ¹⁶Issmun iten řar wemcan umi třayen s teibranit ‘Harmigidun’. ¹⁷Xenni **lmalak wiss sebša** ifarrey řřawya nnes x řeewin uca tusi-d ict n tmijja s jjeħd zi taddart iqeddsen deg ujenna zi řearc, teqqar “Aqqa temmeřra.” ¹⁸Uca đfaren t-id wassamen d tmijjawin d wajjajen uca imsar ij n wenhezzi n tmurt d ameqqran, war tuyi am netta zeg wami iřa bnađem di tmurt, anhezzi n tmurt imyar anect. ¹⁹Tandint tameqqrant tewđa tebđa x řřata n tseqqar uca marra tineddam n řegnus hedment. Aqqa Arebbi ieqeř x Babilun tameqqrant řima ad as iwc ayarrař n waman n uđiř n tefqařt n lyađab nnes. ²⁰Tigzirin marra arweřent, war twifin ca idurar. ²¹Tewđa-d tebrurri zeg ujenna x iwdan s ibquqen imeqqranen ařřas, tuya đđqeř nsen anect n ict n “talent” (=eřahař 35-40 kilu). Uca iwdan ceqqfen di Arebbi x jriřect n tebrurri-ya minzi jriřect nnes tuya temyar ařřas.

Tamyart d řweřc

17 ¹Uca yusi-d ijjen zi sebša n lmalakat inni řar iřa sebša n řřawyat, inna ayi “As-d, ad ac ssecney řřukm x řqeřba tazuwart i iqqimen x wařřas n waman, ²tenni ak-d qeřřben ijeřiden n tmurt uřa d imezday n tmurt, scaren s binu n tuqeřbit nnes.” ³Indeh ayi di arruř řar ij n wemcan ixřan. řriy ict n tmeřřut tenya x ij n řweřc azeggway i iccuren s ismawen n ttekfir di Arebbi uca tuya řares sebša n izeřifen d eecra n waccawen. ⁴Tuya tametřřut tyarđ taqendurt tazeggwayt teħdeq, teqqen s wurey d wedmam d tyaqutin. Yares deg ufus nnes ij n uyarrař n wurey iccur s nneawat d injan n

tugeħbit nnes. ⁵Itwari x tenyart nnes ij n isem ‘Mistiriyun, Babilun tameqqrant, tayemmat n řeqħab d marra nneawat n tmurt’. ⁶Uca zřiy tameřřut tescar s idammen n imqeddasen u s idammen n inni icehhdn x Yeccu. Ařami tt zřiy, ttbehtey ařas. ⁷Maca lmalak inna ayi “Mayemmi tettbehted? Necc ad cek ssargbey ssirr n tmeřřut d řweħc wenni tt yarebbun d wenni s sebea n izeğifen d eecra n waccawen. ⁸Řweħc i teźrid d wenni tuća iğan d wenni war iğin, ead ad ikkar zi řağay n tmurt, ad iweddar. Ad ttbehten imezday n tmurt, inni isem nsen war itwari ca deg wedlis n tudart zeg wami d teffey ddunnit. Ad ttbehten xmi i ya zaren řweħc wenni tuća d wenni war iğin, ead ad yiři. ⁹Aqqa da řeeqeř i yar iğa řefhamet: sebea n izeğifen aqqa d sebea n idurar ixef teqqim tmeřřut. ¹⁰Eawed xsen ad inin sebea n ijeğiden, xemsa zzaaysen wđan, ijjen aqqa iğa ead d wenneđni aqqa-t ead war d yusi. Mařa netta ad d yas, ittxeřř ad iqqim drus n řweqt. ¹¹Uca řweħc wenni tuća iğan d wenni war iğin, aqqa netta s yixef nnes d wiss tmenya, ad iffeć zi sebea nni uca ad iweddar. ¹²Uca eecra n waccawen i teźrid, aqqa d eecra n ijeğiden, ead war řarsen bu tgeldit, maca ad řřfen řřulřa n ijeğiden řqedd n ict n tsaeet ak-d řweħc. ¹³Nitni řarsen array d ijjen, ad wcn jjeħd nsen d řřulřa nsen i řweħc. ¹⁴Ad mmenyen ak-d Izmar uca Izmar ad xasen iyleb minzi netta d Sidi n isiditen d Ujeğid n ijeğiden uca inni akis iğan, aqqa nitni d imřayan d imexřaren uřa d iřdiqen.” ¹⁵Inna ayi “Cek teźrid aman i yar teqqim řqeħba, aqqa-ten d iyduđen d ubarru n řyaci d řegnus d iřsawen ¹⁶uca eecra n waccawen i teźrid di řweħc, nitni ad carhen řqeħba, ad tt ggen weħdes d taeryant, ad ccen aysum nnes, ad tt sscemđen s tmesi. ¹⁷Aqqa Arebbi iwc asen deg wuřawen nsen, ħima ad ggen nneyyet nnes n řweħc s array d ijjen, ad wcn tageldit nsen i řweħc ař i ya twakemmřen awařen n Arebbi. ¹⁸Tameřřut i teźrid nettat d tandint tameqqrant tenni yar teğa tgelda x ijeğiden n tmurt.”

Awetřu n Babilun

18 ¹Awarni as zřiy ij n lmalak nneđni ihekkwa-d zeg ujenna, řares řřulřa tameqqrant. řřya n ueući nnes tegga tifawt kuřci i tmurt. ²Netta iřaya s ict n tmijja tejhed ařas “Aqqa tewđa, tewđa Babilun tameqqrant, tedweř d tazeddiyt n ccwařen d řeħbes i kuř řaryah amengus d řeqfez i kuř ajdiđ amengus war iħřin, ³minzi

marra řegnus swin zeg waman n uđiř n tefqaht n tuqeħbit nnes, uřa d ijeđiden n tmurt aqqa qeħħben akis uca isebbaben n tmurt dewřen d twajjar s jjeħd n ufeyyec n wagra nnes.” ⁴Uca sřiy tmijja nneđni třaya-d zeg ujenna “Ffey-d zzayes zi tandint-a, a aydud inu, ħima war ittiři ddnub nnes x yiri nnek uca war ttřeqqef ca di jjrayeħ nnes akis, ⁵minzi ddnubat nnes aqqa gaēdent, iwđen ħar ujenna uca Arebbi aqqa ieqeř řefđayeħ nnes. ⁶Arrem-d xas am mammec nettat tarra uca arrem-d xas s dubel eħaħsab řexdayem nnes. Aħarraf wenni tuħa txeđđed, xeđeđ as t s dubel. ⁷Meħař min tuħa tfeyyec ixef nnes uca teddar deg ufeyyec, anect uya ēeddbem tt uca arrem as-d aċđan. Minzi nettat teqqar deg wuř nnes ‘aqqa qqimey am tjeđidt, necc war ġiy d tajaċ uca aċđan war t zarray ca’. ⁸X uyenni deg iij n wass ad xas wđant marra jjrayeħ nnes: řmwet, aċđan d řaz uca ad tetwassecmeđ s tmesi, minzi Sidi Arebbi ijhed, aqqa netta d wenni xas iħasben. ⁹Ijeđiden n tmurt inni kis iqeħħben, inni iddaren deg ufeyyec, ad xas run, ad xas wten ayejđur xmi i ħa zaren ddexxan n tmesi nnes, ¹⁰ad bedden ħar řaggwaj zi teggwudi n uēeddeb nnes, qqaren ‘Uct, uct, a cem a tandint tameqqrant, Babilun, a cem a tandint ijehden, minzi aqqa tusi-d řeħkamet nnem deg ict n tsaeēet.’ ¹¹Uřa d isebbaben n tmurt ad xas run, ad ceđnen, minzi uřa d iij war issiy ead sseřeēet nsen, ¹²sseřeēet n wurey d nnuqart d wedmam yiyřan d tyaqutin d đfin ifsusen d arjuwani d řeħrir azeggway d ukeccuđ ittfuħen d řeqcue n acciwen n řfir d řeqcue zeg ukeccuđ iyřan d nnħas d wuzzař d řmarmur ¹³d řqarfa d řebxur d řefwaħet n mirru d jjawi d binu d zzeċt n zžitun d aren n ssmid d yirden d řmař d wuđi d yiisan d ikarruten d arrimat d řēemur n iwdan. ¹⁴Aqqa řyiđet i tuħa d mmezri n řēemur nnem, aqqa teggwej xam uca marra min tuħa ħarem d agra d min ittissiqqen, aqqa iweddar, war itwif i ead. ¹⁵Isebbaben n man aya marra, inni idewřen d twajjar zzayes, ad qqimen ħar řaggwaj zi teggwudi n uēeddeb nnes, ad run ad ceđnen, ¹⁶qqaren ‘Uct, uct xam, a tandint tameqqrant i yarđen řqeťtan ifsusen d arjuwani d azeggway, teqqen s wurey d wedmam d tyaqutin, ¹⁷s minzi deg ict n tsaeēet aqqa iweddar wagra ameqqran nnes!’ Marra inni inedđhen iyarruba d marra inni ittšaran x tma n řebħar (s řbacc) d ibeħriyyen d marra inni ixedđmen di řebħar, bedden ħar řaggwaj ¹⁸uca ařami zrin ddexxan n tmesi n tendint, řayan ‘Min izemmaren ad imqudda ak-d tendint tameqqrant

nni?’¹⁹Nitni ssuyusen tæejjajt x izeġifen nsen uca syuyen, am ttrun u cejtnen, qqaren ‘Uct, uct, a tandint tameqqrant, tenni dayes - s ubarru n wagra nnes - dewřen d twajjar marra inni ġar iġa iġarruba di řebħar, minzi deg ict n tsæet aqqa tweddar.’²⁰A ajenna, farħet xas uřa řa d kenniw d imqeddasen d imazanen d imkacafen, minzi Arebbi aqqa iffey-d řehkamet nnes xas.’ ”²¹Uca ij n lmalak ijehden iksi ij n wezru ameqqran anect n teřdart n tsirt, inřar it di řebħar uca inna “Ammu s jjeħd ad temmenřar Babilun, tandint tameqqrant uca war tetwif ead”.²²Řħess n ayt n harba d imedyazen d yinni ittiraren tamja d yinni ittřuđen di řbuq war itwaseř ead dayem uca kuř ijjen wenni ittegggen řsenet nneđnit war itwif eemmarř dayem uřa d ddriz n tsirt war itwaseř dayem eemmarř²³uca eemmarř ad dayem taryey řtya n řefnar uřa d řħess n wesři d tesřit war itwaseř ead dayem. Isebbaben nnem tuřa-ten d imeqqranen n tmurt, minzi s tseħħart nnem, aqqa twaxedeen řegnus marra.²⁴Aqqa itwaf dayem idammen n imkacafen d imqeddasen d marra inni i itwayarřen di tmurt.”

Halliluya!

19¹Awarni as sřiy ij n řħess n wařtas n řřaci deg ujenna, qqaren “Halliluya, asenjem d ueuġi d ccan d jjeħd aqqa-ten ġar Sidi Arebbi nney.²Minzi netta iħkem s tidett d řħeqq umi iħaseb x řqeħba tazuwart, tenni tuřa tessexmej ddunnit s tuqeħbit nnes uca netta yuřa tasyart x idammen n isemyan nnes yumsen ġar ifassen nnes (=n řqeħba).”³Uca nnan i umur wiss tnayen “Halliluya! Ddexxan nnes ad yaři ġar ujenna i řebda.”⁴Uca arebea u eecrin n imřaren d arebea n imeddaren wđan ġar tmurt, ebbden Arebbi wenni iqqimen x řearc, qqaren “Amin, Halliluya!”⁵Uca tusi-d ict n tmijja zi řearc, teqqar “Semyarem Arebbi nney, a kenniw isemyan nnes d kenniw inni t itteggweden, ameřyan ameqqran s tnayen!”⁶Uca sřiy amecnaw tmijja n ubarru n řřaci, amecnaw řħess n wařtas n waman, amecnaw zzhir n wajjaj, qqaren “Halliluya!”, minzi Sidi Arebbi Amzemmar x marra min iġan, aqqa iħkem am ujeġid.⁷Ad nfarħ, ad nesřiwřiw, ad as negg æeuġi, aqqa urar n Izmar yiweđ-d uca tasřit nnes aqqa řħezzem⁸uca temmewc as ad tyarđ arruđ zi řqeřtan ifsusen ittissiqqen izdigen, minzi řqeřtan ifsusen nni netta d řexdayem isegġden n imqeddasen.”⁹Inna ayi “Ari ‘Sseed n inni itwæarđen ġar wurar n Izmar’ ”. Uca inna ayi

“Ina d awařen n tidett n Arebbi.”¹⁰Uca wđiy as ƣar idaren nnes ħima ad t eebdey. Uca netta inna ayi “Ĥđat, war ttegg ca man aya, aqqa necc d amsexxar am cek d aytmac inni ƣar teđa chadet n Yeccu. Eebdet Arebbi minzi chadet n Yeccu nettat d arruĥ n wawařen n Arebbi.”

Amnay s uyis d acemřař

¹¹Uca zřiy ajenna innurzem, aqqa din ij n uyis d acemřař d wenni xas inyin, qqaren as ‘Ařđiq d tidett’ ad iĥaseb uca ad imney s tsegda.¹²Tuƣa tiřřawin nnes amecnaw iĥudaq n tmessi, ƣares x uzeđif nnes ařřas n temrisin, itwari xasen ismawen uca itwari xas isem war t issin ĥed mƣir netta waha.¹³Aqqa yarđ ij n warruđ itwassyeđřen deg idammen, qqaren as ‘Awař n Arebbi’.¹⁴Uca řeeskar i iđan deg ujenna idfar it-id x iysan icemřařen, tuƣa arđen řqeřřan ifsusen d acemřař izdig.¹⁵Iffey-d zeg uqemmum nnes ij n ssif iqde€, ad zzayes iwwet řegnus. Ad ten iĥđa s uzeđad n wuzzař, ad ten irbez am uđiř di tsirt n tefqaĥt n lƣađab n Arebbi Amzemmar x marra min iđan.¹⁶X warruđ nnes u x tmeřřař nnes itwari xasen ij n isem ‘Ajeđid n ijeđiden, Sidi n isiditen.’¹⁷Uca zřiy ij n lmalak ibedd di tfuct. Netta iřƣa s jjeĥd, iqqar i marra ijđad iřřawen di řweř n ujenna “Asettiw-d, munettiw-d ƣar umensi ameqqran n Arebbi,¹⁸ħima ad teccem aysum n ijeđiden d weysum n imeqqranen inni d ikumandaren x wařef n ieeskariyyen d weysum n yinni ijeĥden d weysum n iysan d yinni xasen inyin d weysum n qae wi iđan, n iĥurriyyen d isemyan uřa n imezyanen d imeqqranen.”¹⁹Uca zřiy řweĥc ak-d ijeđiden n tmurt d řeeskar nsen munen, ħima ad mmenyen ak-d wenni inyin x uyis uca ak-d řeeskar nnes.²⁰Aqqa itwařřef řweĥc ak-d amkacaf ayeccac wenni iggin zzates řeeřamat nni i zi tuƣa iƣecc inni iksin tiggest n řweĥc uca sejden i řexyař nnes. Nitni s tnayen idsen twammendaren deg uyer mam n tmessi ittcefcufen s řebareyyet.²¹Wi iqqimen twanyen s wuzzař i d ikkin zeg uqemmum n wenni inyin x uyis uca marra ijđad jjiwnen s weysum nsen.

Tageldit n ařef iseggwusa

20¹Uca zřiy ij n lmalak ihwa-d zeg ujenna ƣares tasarut n tesraft i iđan sadu tmurt uca deg ufus nnes dayes ict n snesřet tameqqrant.²Netta iřřef řĥaycet, ařiyar awessar, wenni iđa d ibřiš d Cciřan uca icarf it ařef n iseggwusa³uca inđar it di tesraft sadu tmurt,

ibellee xas uca igga xas acemmie, ħima war ittyecci ead řegnus, ař i ya yeedu ařef n iseggwusa. Xenni ittxeř ad as yarxun řar cwayt n řweqt. ⁴Uca řziř řekrasi n řearc d yinni xasen iqqimen uca immewc asen řĥukm. Aqqa řziř řemur n yinni umi kksen izeřifen nsen di řřwee n chadet n Yeccu d wawař n Arebbi, inni war sejden i řweĥ uřa i řexyař, inni war řar ięi bu tiggest x tenyart nsen uřa deg ufus nsen. Nitni dewřen eawed ad ddaren, ad ĥekmen ak-d Lmasiĥ ařef n iseggwusa. ⁵Min iqqimen d imettinen nitni war d dwiřen ca řar tudart ař d teedu ařef n iseggwusa. D ta d tanukra tamezwarut. ⁶Sseed n wenni i d řa ikkaren di tnukra tamezwarut, ad yiři d amqeddas. řmewt wiss tnayen war xasen izemmar, maca nitni ad iřin d ikehhanen n Arebbi u n Lmasiĥ uca ad kis ĥekmen ařef n iseggwusa.

Řĥukm x Cciřan ameqqran

⁷Xmi i řa iqfeř ařef n iseggwusa, ad itwadřeq Cciřan zi řeĥbes nnes ⁸uca ad d iffey ħima ad iyecc řegnus inni ięan řar arebea n tyemmura n ddunnit, Xux d Maxux, ad ten issmun i umenyi u řqedd nsen am iđi n řebĥar. ⁹Ĥarrcen-d zi řřarf n tmurt uca nnđen as i řmargeĥ n řeeskar n imqeddasen d tendint ieizzen x Arebbi uca tewđa-d tmessi n Arebbi zeg uјenna uca tecc iten. ¹⁰Uca ibřiř, wenni tuya i ten iřwan, aqqa immenđar deg uyer mam n tmessi ittcefcufen s řebareyyet mani ięa řweĥ d umkacaf issxarriqen uca ad twaeddben ass d řiřet i řebda qae.

Řĥukm x imettinen

¹¹Uca řziř ij n řearc d ameqqran d acemřař d wenni xas iqqimen zeg uyembub nnes i řa yarewřen tmurt d uјenna uca war d asen iqqim bu wemcan. ¹²Necc řziř imettinen bedden zzat i řearc, imeqqranen d imezyanen. Aqqa nnurzmen idlisen uca innurzem wedlis nneđni wenni n tudart. Uca itwahkem x imettinen x řeĥsab n řexdayem nsen zi min tuya itwari deg idlisen. ¹³Uca řebĥar iwca imettinen inni tuya-ten dayes uca řmewt d řaxart wcint imettinen inni tuya-ten daysent uca itwahkem xasen, kuř ijjen anect n řexdayem nnes. ¹⁴Aqqa řmewt d řaxart mmendarent deg uyer mam n tmessi. Ta d řmewt wiss tnayen: ayer mam n tmessi. ¹⁵Mařa itwaf ĥed war itwari ca deg wedlis n tudart, ad immenđar deg uyer mam n tmessi.

Urcalim n jdid

21 ¹Uca zriy ij n ujenna n jdid d ij n tmurt n jdid. Ajenna amezwaru d tmurt tamezwarut tuɣa edun, řebħar war iqqim ead. ²Necc zriy tandint iqeddsen, Urcalim n jdid tehwa-d zeg ujenna zi Arebbi, tegga amecnaw tasřit tzehhej i wesři. ³Uca sři y ict n tmijja tettřaya-d zi řearc s jjeħd “Xzaret, tazeddiyt n Arebbi aqqa-tt jar iwdan uca netta ad ɣarsen izdey, nitni ad iřin d aydud nnes uca Arebbi simant nnes ad ɣarsen yiři d Arebbi nsen. ⁴Ad asen issizey kuř imeřta zi tiřtawin nsen uca řmewt war tettiři ead uřa d acđan d tyuyyit d řehriq, minzi timesřayin timezwura aqqa edunt.” ⁵D wenni iqqimen x řearc, inna “Xzaret, ad ggey marra d jdid!” Uca inna ayi “Ari, minzi awařen-a d iřdiqen d tidett zi Arebbi.” ⁶Netta inna ayi “Aqqa itwakemmeř. Necc d Alfa d Umege, necc d Amezwaru d Aneggaru. Wenni ifuden ad as wcey ad isu bařeř zi tařa n waman n tudart. ⁷Wi i ɣa iyellben ad iwart man aya uca necc ad iři d Arebbi i netta u netta ad yiři d mmi. ⁸Maca imeggwaden d yinni war yuminen d imednab d imneeiyyen n *bnadem* d iqettařen d yinni iqehħben d yinni iggin taseħħart d yinni iebbden lařnam d marra ayt bu-ixarriqen, ad tiři tasřart nsen deg uyermam ittcefcufen s tmessi d řecbareyyet. Ta d řmewt wiss tnayen.” ⁹Uca yusi-d ijjen zi sebea n lmalakat, tinni iksin sebea n řtawyat ccurent s sebea n jrrayeħ tineggura uca inna ayi “As-d, ad ac ssecney tasřit, tamřart n Izmar.” ¹⁰Indeh ayi di Arruħ ɣar ij n wedrar d ameqqran yueřan ařtas uca isscen ayi tandint iqeddsen, Urcalim, tehwa-d zeg ujenna zi ɣar Arebbi ¹¹uca ɣares aeuři n Arebbi. Tuɣa řtaya nnes tettissiqq amecnaw aźru iyřan, am weźru n yasbis iřfan am ‘kristal’. ¹²Iquwwar as ij n weybar d ameqqran yueřan, ɣares teneac n tewwura uca teneac n lmalakat eessent ɣar tiwwura-ya, itwari xasent ismawen u nitni d ismawen n teneac n tqebbař n ayt n Israyil. ¹³Tandint ɣares řřata n tewwura ɣar manis d tneqqar tfuct uca ɣar ccamal ɣares řřata n tewwura uca ɣar ljanub ɣares řřata n tewwura uca ɣares řřata n tewwura ɣar mani tyeři tfuct. ¹⁴Aybar n tendint ibedd x teneac n dsusa itwari xasen ismawen n teneac n imazanen n Izmar. ¹⁵D wenni tuɣa akidi issawař ɣares ij n řeabar am uyanim, ħima ad iebar tandint d tewwura nnes d iębrawn nnes. ¹⁶Tandint tuɣa ɣares arebea n tyeħmar u tazuggart nnes am tiři

nnes. Uca netta iɛbar tandint s řmitru nnes n uyanim. Tazuggart d tiřu d řueřa nnes d icten, teneac ařaf n 'istadiyyen' (=εřařař ařfayn u mitayn kilumiter). ¹⁷Uca iɛbar aybar nnes: meyya u arebea d arebein n iyağen (=εřařař sebein mitru), netta řqedd n ij n bnađem, aqqa-t n ij n lmalak. ¹⁸Aybar nnes ggin t s yasbis uca tandint tuya zeg wurey iqquren axmi s zzaj iqquren. ¹⁹Dsas n weybar n tendint tuya itwazewweq kuřci s izra iyřan. Tuya dsas amezwaru n wezru n yasbis, wenni d wiss tnayen n safir, wenni d wiss třata n xalcidun, wenni d wiss arebea n smiralda, ²⁰wenni d wiss xemsa n sarduniks, wenni d wiss setta n sardiyus, wenni d wiss sebea n krisulit, wenni d wiss tmenya n biril, wenni d wiss tesea n tubas, wenni d wiss εcra n krisubras, wenni d wiss řideac n yazint uca wenni d wiss teneac n umetist. ²¹Teneac n tewwura aqqa-tent d teneac n tyaqutin, uca kuř icten zi tewwura nni tuya zeg ict n tyaqut. Abrid n tendint tuya-t n wurey iřfan am zzaj yareqqen. ²²War zřiy ca taddart iqeddsen dayes *di tendint nni* minzi Sidi Arebbi, Amzemmar x marra min iğan, netta simant nnes d taddart iqeddsen nnes uřa d Izmar. ²³Tandint war teřdaj ca tfuct uřa d taziri řima ad xas ssaryent, minzi aeuği n Arebbi yareqq dayes uca Izmar netta d řefnar nnes. ²⁴Uca řegnus *inni itwassnejmen* ad uyuren s tfawt nnes uca ijeğiden n tmurt ad ssiwđen aeuği d ccan nsen řares. ²⁵Tiwwura nnes war twaqqnent εemmarř s uziř, minzi ġiřet war tettymimi ca din. ²⁶Ad awyen řares aeuği d ccan n řegnus mařend ad zemmaren ad adfen. ²⁷εemmarř ad dayes tadeř ca n řřařet tamengust niy wenni iggin nneawat niy wenni issxarriqen, maca inni itwarin deg wedlis n tudart n Izmar waha.

Iyzar n tudart

22 ¹Uca netta isscen ayi ij n iyzar n waman n tudart yareqqen am kristal itteffyen zi řεarc n Arebbi d Izmar. ²Di řweřt n webriđ nnes uca x tma n iyzar tuya tacejjart n tudart tenni tessenday řyiğet teneac n twařawin deg useggwas, ad tewc řyiğet nnes kuř ayur. Tifray n tcejart ad ssgenfan zzaysent řegnus. ³War dayes ittiři ead min ineřen. Řεarc n Arebbi d Izmar ad yiři dayes uca isemyan nnes ad xas sexxaren. ⁴Nitni ad zaren uđem nnes, isem nnes ad yiři x tenyarin nsen. ⁵War din tettiři ead ġiřet uca nitni war řđdijen ead řřya n řefnar niy tifawt n tfuct, minzi Sidi Arebbi ad asen igg tifawt uca ad

iřin d ijeđiden i řebda qaē. ⁶Uca netta inna ayi “Awařen-a d iřdiqen d tidett uca Sidi Arebbi n arruħat n imkacafen aqqa issekk lmalak nnes ħima ad isscen i isemyan nnes min i ħa imsaren deyya.

Lmasih ad d yas deyya!

⁷Xzar, necc ad d asej deyya. Sseēd n wenni itťfen deg wawařen n Arebbi zeg wedlis-a.” ⁸Necc, Yuħanna, aqqa sřiy tt, zřiy tt. Uca ařami tt sřiy uca zřiy tt, wđiy ħar idaren n lmalak wenni d ayi tt issecnen. ⁹Inna ayi “Ĥđa, war ttegg man aya! Necc d ismey am cek d aytmac d imkacafen d yinni itťfen deg wawařen n wedlis-a. Eēbdet Arebbi!” ¹⁰Inna ayi “War ttegg acemmie x wawařen n Arebbi zeg wedlis-a, minzi řweqt aqqa tiweđ-d. ¹¹Wenni itteggan min war iseggden, ad igg min war iseggden ktar, amengus ad idweř d amengus ktar, amseggad ad igg tasegda ktar uca amqeddas ad idweř d amqeddas ktar. ¹²Xzar, necc ad d asej deyya uca řmunet inu akidi ħima ad xeğsey kuř ijjen anect n řxedmet nnes. ¹³Necc d Alfa d Umeqa, d Amezwaru d Aneggaru, d Abeddu d Qeťtu. ¹⁴Sseēd n inni itteggan tiweřša nnes ħima ad ħarsen tiři tizemmar di tcejart n tudart uca ad adfen ħar tendint zi tewwura nnes. ¹⁵Barra iġan yiťan d yinni ittseħħaren d yinni itteggan tuqeħbit d yinni ineqqen d yinni iēbbden lařnam d marra inni ittessen ixarriqen d yinni ixeddēen. ¹⁶Necc d Yeccu, aqqa ssekkej lmalak inu maħend ad awem iched man aya zzat i tmesmunin. Necc d aźwar d zzariēet n Dawud d itri yareqqen ħar řefjar.” ¹⁷Maça Arruħ d tesřit qqaren “As-d!” d wenni tt iřin ad ini “As-d!”. D wenni ifuden, ejj it ad d yas, d wenni ixsen, ejj it ad isu aman n tudart baťeř.” ¹⁸Necc cehhdey i marra inni ittēsřan awařen n Arebbi zeg wedlis-a, mařa din ħed wenni xasen i ħa yarnin x wawařen-a, Arebbi ad xas iġdeř jįrayeħ tinni itwarin deg wedlis-a. ¹⁹Mařa ca n ijjen ad ikkes zeg wawařen n Arebbi zeg wedlis-a, ad as ikkes Arebbi tasyart nnes zi tcejart n tudart u zi tendint iqeddsen u zi min itwari deg wedlis-a. ²⁰Wenni icehhdn x man aya, iqqar “Wah, necc ad d asej deyya!” “Amin! As-d, a Sidi Yeccu!” ²¹Nniēmet n Sidi Yeccu Lmasih ad tiři ak-d marra imqeddasen. Amin!